

COLOVINYL
MOSAICO di PLASTIC

Un bonita vloer pa cu-
shina, pasillo y banjo.
Practico y moderno!!

FABRIKAAT
LINOLEUM KROMMENIE
MESKER - ARUBA N.V.
TEL. 1325

ARUBA ANSE COURANT



Diario pa



Aruba

KING SIZE COCA-COLA
MORE
FOR
YOU!

INSTALA AIREACON-
DIONADO NA BO
CAS AWOR!

Tel. 2170



ANJA 23

DIASABRA 23 JUNI 1962

No. 4368

Juancho Yrausquin a hanja e entierro di mas grandi hamas visto na Aruba

ORANJESTAD, 23 juni - E demonstra-
cion di mas grandi di honor cu hamas por
a contempla na Aruba a cai na turno ajera
tardi dje defunto, Ministro di Financia
JUAN ENRIQUE YRAUSQUIN. E dignitario-
nan di mas alto, tanto spiritual como secu-
lar, tanto p'aden como p'afor di Antillas

y tambe prominentenan for di circulan
industrial y comercial nos a mira tras dje
procesion. Aki tras a sigui miles otro inte-
resadonan for di tur sector di comunidad
y tur gremio di poblacion. Dje manera ei
Aruba a manifesta su tristeza na ocasion
di morto di su politico stima.

Kransdi La Reina a bai dilanti den e procesion

Pa 5'or di atardi, ora cu ya solo a cuminsa ta baha,
conseho di ministranan completo di Antillanan Neer-
landes cu ta: premier E. Jonckheer, ministro E. O. Petro-
nia, ministro F. B. Tromp, Ministro R. J. Isa, ministro I. C.
Debrot a carga e baar sali cune for di habitacion na Lloyd
G. Smith Boulevard. Un enorme masa di hende cu na e
momento ei a acumula dilanti habitacion di e ministro de-
funto, a queda ta contempla e efectuacionnan aki den un
silencio impresionante. Poco poco e procesion di kilometer
largu di hende a cuminsa ta forma, den cual Excelsior
Brass Band for di San Nicolas y un grupo grandi di damas
tabata camina dilanti dje entierro. Despues di esakinan
a sigui decenanan di auto habri cu kransnan. Den e auto
di mas dilanti tabatin expone e bunitisimo krans cu La
Reina Juliana a manda. Despues di esaki a sigui e caro
funebre.

Miles a sigui e baar

Ta casi imposible pa haci mencion
dje decenanan di autoridadnan cu nos
a observa den e procesion. Den D-1
cu a sigui unbez tras dje caro fune-
bre nos a mira Gobernador interino
C. Winkel cu Sra. Maria Yrausquin.
Aquí tras na pia, Gezaghbeher inter-
rino di Aruba Sr. Isaac de Cuba cu
Sr. Ruben Yrausquin, rumen dje de-
funto, domi A.H.C. Jacobson i Mon-
seigneur J.M. Holterman, cu su se-
cretario Pastoor J. Burgemeester di
Oranjes ad. Den rouw profundo e-
mas famia dje defunto tabata sigui
aqui tras. Luego a sigui e deputado-
nan O.S. Henriquez, F. Wernet,
W.C. Anslin, Jacobo Erasmus i se-
cretario insular L.C.M. Kerstens di
Aruba. Cu esaki nos a menciona
solamente un parti chiquito dje pro-
minentenan quendenan ajera a asisti
na e entierro cu a sali e cas Lloyd G.
Smith Boulevard 75 te na cemente-
rio Protes ant. Nos ta menciona
ainda nombernan di dr. Sedney, mi-
nistro di Surinam, cu a representa su
gobierno na e ocasion aki. Mr. H.W.
J.M. van der Made, secretario di

Ministerraad, Gezaghbehernan di Cu-
racao, Bonaire i islanan ariba, resp.
M.P. Gorsira, A. van Hesteren i Jap-
pa Beuon, miembronan di poder
legislativo, president di algemene re-
kenkamer H. Roefstra, su secretario
W. d. Koog i otro miembronan di
camara, miembronan di Raad van
Adves di Antillanan Neerlandes, bao
di cualnan Sres. W.F. Craane i G.
de Veer, commandant poder naval
di Antillanan Neerlandes, A. van
Strien, president di Sta'en O. Bikker
i vice-president di Staten Osbaldo
Croes, quende na momento di morto
di ministro Yrausquin, tabata cu su
colega E.R. Finck na Surinam, pero
a regresa net na tempo pa entierro.
També nos a mira deputadonan di
otro terri orionan insular, bao di cual-
nan sr. R. Elhage, S.G.M. Rozendal,
F. Pijpers i J. Martina di Corsou i

Un grupo di industrial y financieronan aleman cualnan tin relacion intima cu
trahamtu di fabricanan quimico na Baredera, a haci un fishita weekend pasa
na Aruba. Riba e portret nos ta mira un parti dje grupo riba terreno industrial.
Di r.p.d. nos ta mira Sr. T. J. Dimmock, plant manager di Antilles Chemical In-
dustries; Sra. Patty Hamilton; Sr. P. Schellhout, director di Phoenix Rheinhohr
A. G.; Sra. F. Torresi; Sr. J. Vers, cu ta den servicio di Tecnodin; Sra. E. Mom-
msen; Sr. Torresi, director general di International Development Investment Co., Sr. E.
W. Mommsen, director general di Phoenix Rheinhohr na Dusseldorf; Sr. M. Baur,
director di Phoenix Rheinhohr na New York; Sra Baur y hefe di servicio di in-
formacion N. Piña.

deputado P'eters di isla 'riba; luego
un gran numero di miembronan di
Staten i Eilandsraad, entre cualnan:
Sra. L. van der Linden Helmeijer, E.
Voges, H.L. Lopes, C.W. Hueck i
A.A. Emerencia i mayor parti di
miembronan di Staten Arubano. Otro
personanan cu nos a observa den e
procesion tabata president director di
Lago W.A. Murray i su colega Cu-
razoleño jr. C. van Driel van Wage-
ningen; comisario C.A. de Jager d.
Aruba, major A. Heinen, commandant
di guarnicion di Marinier na Sava-
ne a, un gran numero di hefe di ser-
vicio di land i eiland di Aruba i Cu-
racao, miembronan di cuerpo con-
sular, bao di cualnan consul general
Venezolano na Curacao Vicente
Gamboa Marín, delegacion di Ca-
maranan di Comercio di islanan, di-
rectorinan di casnan grandi di comer-
cio Arubao i Curazoleño i di banco-
nan.

I e numeracion aki ta ainda un
fraccion noma dje milistan cu a si-
gui e baar i enter anchura di e caja
di L.G. Smith Boulevard, dje reton-
de te na Willem III toren.

Escenanan emocionante a tuma luga
durante e ruta. Cu wowonan jen di
lagrima i tambe varios otronan jo-
rando mes tabata para na cantu dje
rua. Na un skina tabatin un muhe
ta grita: "Bye, Bye, Juanchito, you
were a good boy. The Lord called
you, we'll have to finish your job."
Hopi hende tabata expresa semehante
palabranan ora cu nan tabata pasan-
do e caha funebre, cual tabata flanke-
pa e seis ministranan ya menciona-
na. Masha largu tabata e procesion, cu
continuamente tabata b'ra mas largu,
como cu hopi di nan cu tabata para

ta mira e procesion, a dicidi di sigui
su tras i ta claronan esaki a b'ra
miles.

Dilanti dje procesion tabata camina
e Excelsior Brass Band, cu tabata to-
musica funebre, pero e procesion ta-
bata asina largu cu na e caro fune-
bres nan no por a tende mas,
asina tanto tabata e numero di car-
gadonan di flornan i autonan di flori
i krans cu tabata dilanti dje caro fu-
nebre. E caro di flornan di mas
promte tabata un jeep di Marinier-
nan den cual tabatin un krans sim-
ple cu un cinta ariba, riba cual por
a leza: J. i B. Juliana i Bernhard.

Na e cementerio Protestant e inte-
res taba a enorme. Un multitud di
miles cabez tabata para den un me-
dio circulo rond dje graf. Un mucha
tabata cologa den un taki dje palo
net riba e graf: hopi otronan tabata
para riba e grafnan alrededor, den
un esfuerzo pa por scuzha cada pa-
labra dje cantidad di discursonan of mira
un flandor dje caha di morto blanco.
Door dje boroto di miles hendenan,
ta solamente esnan cu taba a para
mas cerca den e circulo por a sigui
loque tabata ser expresa na e semul-
cro. E procesion a yega cementerio
5.45 i mei ora despues e prome ora-
dor por a haci uso d' palabra, intro-
duci pa e maestro di ceremonia N.
Piña. Esaki tabata O. Bikker, pre-
sident di Staten.

Sr. Bikker a mira cu e despedida
no ta pa eternidad. Despues d' un
hida bon hiba, Juanchito Yrausquin,
e servidor di su pueblo, awor a drumi
den Senior.

Sr. Bikker a mustra di no por
hanja suficiente palabranan pa por
duna expresion na su hopi emocionan-
te d' verdrie i admiracion
pa un gran homber cu awor a bai
e sacrificio i dedicacion, cual Juan-

Aki nos ta mira momento cu sra. vda.
Maria Yrausquin ta baha for di avion
di charter K.L.M. cu a trece e restonan
mortal di su esposo na hida S. E. Mini-
stro Juanchito E. Yrausquin.

Segui lesa pag. 2




Momento cu nan ta baha e restonan mortal di S. E. Minis-
tro Juanchito Yrausquin for di e avion pa hibe den e sjers
di morto, pa e worde transporta pa San Pedro Hospitaal.



extra
refreshing iced tea
instantly
with cold water!

NESTEA is a modern, instant form of 100% pure
tea — Selected Orange Pekoe and Pekoe teas in a
delicious blend. Dissolves completely in cold water!
No water to boil, no messy tea bags or tea leaves. Try
it hot too ... it's delicious!



No more
melted-down ice cubes!

No more
watered-down flavor!

NESTEA
100% pure — Instant tea

FUTBOL **FUTBOL** **FUTBOL**
DIADOMINGO 24 DE JUNI 1962 PA 4.30 P.M.
SPORT CENTRUM NOORD
GRAN REVANCHA FUTBOLISTICA
JONG ARUBA vs. BUBALI S.C.
(Hoofdklasse) (A Klasse ganador di copa Juliana)
Den es encuentro aki ambos club lo presenta nan equipo pa e campeonato '62.
ENTRADA GENERAL FL. 0.50



Ultimo demostracion di honor na entierro di JUANCHO YRAUSQUIN



Rondo di e graf nos por mira primer ministro Jonckheer, gobernador interino Winkel, ministro Debrot, president di Staten Bikker, ministro Kroon, ds. Jacobs, sra. vda. Yrausquin, gezaghebber interino De Cuba, ministro Petronia, minister Tromp y ministro Isa.



E portret aki ta duna un bista riba e multitud grandi di hende cu tabata sigi e ultimo biahe di ministro Yrausquin.



Den e promer fila nos por mira di robez pa drechi: senyor D. Yrausquin, ruman di e difunto, gezaghebber interino I. S. de Cuba, ds. A. H. C. Jacobs y obispo di Willemstad Monseñor J. M. Holterman.



Aki nos ta mira e caha rondona di seis ministro, cu tabata cordondrager: banda robez ministronan E. Jonckheer, Debrot y Kroon. Banda drechi ministronan Isa, Tromp y Petronia.



E momento cu e ministronan ta pone e caha riba e graf.



Excelsior Brass Band a habri e careda largo di hendenan cu tabata forma e enorme fila.



Aki ta e momento cu e ministronan ta drenta cu e caha blancu den santana protestant. Banda drechi e krans di Su Mahestad La Reina Juliana.



No tabata decenan sino centenares di krans cu a worde carga dilanti di e wagen.

Entierro di Ministro J. E. Yrausquin

(CONT. DI PAG. 1)

deza. "E tabata un dje poconan riba e 'slana' aq. cu a mira aurora roja dje amanecida nobo di Antillas Neerlandes na firmamento". Asina e ministro a bisa, quende a observa, com Juancho Yrausquin cu pasion i reprimido i cu sacrificio i energia di enter su personalidad a dedica di enter su servicio di su pais. Esaki no tabata un suspiro na aventura di interes propio cu a forcé na haci esei, pero tabata su amor pa su pais i su

pueblo. E tabata aspira su hendenan pa un fé den futuro i sin compasion e tabata lucha pa loque e tabata considera husto i recto. Juancho Yrausquin, asina ministro Kroon, a continua, a trece poblacion di Antillanan Neerlandes mas cerca otro. "Lo e no mira e victoria aq. na mundo mas; e pais prospero i selfsupporting den cual hendenan ta biba na paz i union cu otro". "Sosega na paz, balente luchador, trahador duru, amigo bon."

Amigu di Surnam

Tabatin hopi oradornan mas. Despues di Sr. Kroon tabata ministro Sidney di Surnam cu a hanja palabra i a papia improvisa un speech masha simpático, den cual el a jama ministro Yrausquin un gran patriota i fundador dje cooperacion economico crecienzo den reino. "Ministro Yrausquin tabata enoci como un amigu di Surnam. Gobierno di mi pais ta compadece den e golpe duru cu Antillas Neerlandes a ricibi."

Deputado Pieters di isla 'riba a lanza un speech masha sentimental, den cual el a expresa e aprecio profundo cu tambe na islanan ariba ta

existi pa e defunto. Orador a bisa cu islanan ariba ta masha agradecido pa loque ministro Yrausquin a haci pa nan como ministro di Financia i Desarrollo.

Pa nos e no a muri

Vice-president di Staten, Sr. Osbaldo Croes ta conta den su speech com di luna a.p. mes ainda e tabata combersa cu e minister defunto i el a bisé: "Ta parece manera bo curpa ta cansa, tuma un paar di seman di vacante". E contesta di Juancho tabata estatico: "Mi no tin tempo, pasobra mi tin masha hopi trabao." Awor bo ta hanja e sosiego cu bo a merece pero cu bo no quier a tuma", asina Sr. Croes a bisa.

El a observa com pueblo di Aruba a perde den ministro Yrausquin un "yiu grandi", un yiu homber grandi cu den su 13 aña di lucha pa Aruba tabata un gran ehemplo. "Sosega tranquil, pasobra pa nos bo no a muri: solamente b'a hal sosega nuna un poco despues di bo lucha grandi".

E perspectiva

Despues cu Sra. Bep Meijer-Van Ommeren a expresa un poesia traha pa e mes, domi Jakobson a bin dilanti i a scohe como teks: "I El a bisa: no sea temoris, pasobra Mi ta Esun di prome i Esun di ultimo i Mi tin jabinan di morto i reino di morto". Domi Jakobson a observa,

cu ajera dos hende a ser enterra, un homber cu no ta jama atencion i uno cu tabata lucha den e rangonan di mas altu. El a mustra cu acento cu Cristu a bisa di ta prome i di ultimo, pa creyentenan por sabi cu esei ta nifica, cu e ultimo palabra no a termina na graf, pero na Cristo. I el a continua diciendo: "Ta foi e perspectiva aq. bida ta cuminsa hanja su nificacion i sentido". Na su bon i fiel servidornan Cristu lo bisa: "Drenta den mi reino". Domi Jakobson a clausura su discurso cu e conviccion di fé sigui pa "Nos Tata".

Despues di un palabra di gratitud di ruman dje defunto Sr. Damjan

Yrausquin, quende a apoya e partidacionan di Juancho di sigui un bato di nan mes bandera pa nan ideal", e encuentro a termina. "E caha a queda algun ora mas para riba e graf, asina cu miles di hende ainda por a hanja ocasion di defila banda di dje. Riba e caha tabatin kransnan di La Reina i Prins Bernhard, banda di dje esun di Landsregering, di eilandsbestuur i PPA. Ora cu despues di algun ora cu e milesnan a caha di duna ultimo saludo na nan ministro defunto, pa un gran parti e graf tabata jen di flor i tantu e caha como e kransnan riba dje a queda completamente tapa bao di flornan. Solamente flornan i mas flornan hende tabata mira,